



Z A P I S N I K
30. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 13. septembra 2006. godine

Sjednica je počela u 13:00 sati.
Sjednicom je predsjedavao Petar Kunić, predsjedavajući Komisije.
Sjednici su prisustvovali: Ivo Lozančić, Fatima Leho, Izet Hadžić i Mladen Potočnik.

Sa sjednice opravdano su odsustvovali: Dušanka Majkić, Marija Perkanović, Azra Hadžiahmetović i Ibrahim Đedović.

Sjednici je prisustvovala Ruža Sopta, predlagač Zakona, poslanik u Predstavničkom domu.

Za sjednicu Komisije predložen je i jednoglasno usvojen sljedeći

D N E V N I R E D

1. Usvajanje Zapisnika 29. sjednice Komisije;
2. Ponovno razmatranje Prijedloga zakona o izmjenama i dopunama Zakona o carinskoj tarifi Bosne i Hercegovine, predlagač: poslanik Ruža Sopta;
3. Tekuća pitanja
 - a) nacrt Izvještaja o radu komisije za vanjsku trgovinu i carine za mandatni period 2002-2006. godine, sačinjen na osnovu dopisa OSCE-a.

Ad-1

Zapisnik 28. sjednice usvojen je jednoglasno, bez primjedbi.

Ad-2

Ponovno razmatranje Prijedloga zakona o izmjenama i dopunama Zakona o carinskoj tarifi Bosne i Hercegovine, predlagač poslanik Ruža Sopta

Komisija je na 29. sjednici održanoj 29. augusta 2006. godine, nakon obavljene opće i rasprave o pojedinostima, uz konstataciju da je u tekst Zakona potrebno prilagoditi Jedinostvenim pravilima za izradu pravnih propisa u institucijama

Bosne i Hercegovine, s pet glasova "za" i jednim "suzdržanim" glasom, podržala Prijedlog zakona, uz uslov da je potrebno sačekati mišljenje Upravnog odbora UIO BiH o Prijedlogu zakona, kada će Komisija podnijeti konačan izvještaj Predstavničkom domu.

Također, Komisija je na istoj sjednici usvojila amandmane Ive Lozančića koji su sadržavali tehničke greške u čl. 2.3. 4. 5. i 6. jer je tabelarni prikaz Zakona, koji se ponavljao u tekstualnom dijelu, napisan ispod naziva poglavlja u navedenim članovima

Upravni odbor UIO BiH realizirao je zaključak Komisije sa 29. sjednice razmotrivši na sjednici UO održanoj 29.8.2006., prijedlog navedenog zakona. UO UIO BiH zaključio je da podrži predloženu inicijativu prادلagača Zakona, ali uz zahtjev da se izvrši tehnička dorada prijedloga u skladu s Međunarodnim harmoniziranim sistemom naziva roba i sistema šifriranja koji se primjenjuje u BiH.

Nakon opće rasprave i rasprave o pojedinostima Komisija je, jednoglasno podržala principe Zakona, te jednoglasno prihvatila uz nomotehničku doradu Prijedlog zakona i predlažit će Predstavničkom domu da razmotri i usvoji Prijedlog zakona o izmjenama i dopunama Zakona o carinskoj tarifi Bosne i Hercegovine, predlagagača Ruže Sopte, poslanika u Predstavničkom domu.

Ad-3

Nacrt Izvještaja o radu Komisije za vanjsku trgovinu i carine za mandatni period 2002-2006. godine, sačinjen na osnovu dopisa OSCE-a

U cilju jačanja budućeg rada parlamentarnih komisija, na osnovu smjernica i pitanja Misije OSCE-a u BiH za izradu izvještaja komisija, u okviru Programa jačanja zakonodavne vlasti sekretar Komisije sačinila je Nacrt izvještaja o radu Komisije za vanjsku trgovinu i carine, za mandatni period 2002-2006. godine.

Članovi Komisije bez primjedbi jednoglasno su usvojili navedeni Izvještaj, koji će se dostaviti OSCE-u.

Sjednica je završena u 13,40 sati.

Sastavni dio Zapisnika je
**Izvještaj o radu Komisije
za mandatni period 2002-2006.**

Sekretar Komisije
Emira Češljar

Predsjedavajući Komisije
dr. Petar Kunić